

Le dotur Eduard Agreiter é demez de novëmber dai 2, dedemesaledema, cina ai 7, lönesc (lapró) y vëgn sostitui dala doturia Grete Mahlknecht 349 06 67 034.

Al vëgn lascé al savèi che le Comun chir "nonni vigili" por San Martin por l'ann de scora 2022/2023; interessá ciafa informaziuns plü avisa sön la plata internet de comun sot ala seziun "news" o tl ofize dl personal dl Comun.

PLOANIES SAN MARTIN Y LUNGIARÜ

Bibliolog: Vigni ultimo vëndres dl mëis dales 15.00 - 16.00 Uhr. Chësta metoda scëmpla y creativa ti dá vita ala Bibia por düc; contat: Fr. Michael Ertl 0471 839 635)

SAN MARTIN

La Uniun dles Ères da San Martin invieia dötes les ères a na picia gita en vëndres, ai 28 d'otober. I s'incuntun dales 14.00 sot la dljia y jun cun i **auti privac** a ti ciaré ala Tesciaría Gaidra a Pidrô. Dedo junse sö S. Berbora olache don Vito zelebrará na mëssa y dedô sö dal lüch Ciablun a na buna picia marëna. Le cost é de 10 euro. Prenotesse cina en dedölönesc, ai 25 d'otober: 339 31 15 679. Gnide tröpes!

LUNGIARÜ

I Jogn da Lungiarü organisëia n curs da balè cun Günther Hellweger por döta la comunité dai 03 de novëmber ai 22 de dezëmber n iade al edema n ora y mesa. Al vëgn fat dui grups, un por prinzipianc dales 19.30 y un por progredis dales 21.00. Le cost é de 150 € porom. Prenotaziuns 348 59 87 775 cina ai 31/10.

La Ciasa de Palsa chir n/na cogo/cöga y n aiüt de ciasadafüch, a tëmp plëgn o parzial. I posc é anuai y da atira. Al vëgn ince chirí infermiers y assistënc sozio-assistenziai. Contat: valentin.erlacher@ciasadepalsa.it o 0474-524 786.

L'internat por studënc dl convënt da Neustift deura sües portes por podëi ciaré ite i dis de vëndres, ai 11, 18 y 25 de novëmber, dales 14.00 ales 16.00. L'internat pïta 90 posc por studënc dla scora mesana y dla scora alta. Por prenotaziuns y contac: schuelerheim@kloster-neustift.it o 0472 824 359



Plata dles Ploanies San Martin y Lungiarü



ploan siur Klaus Sottas 344 15 54 055 - ksottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

23.10. - 30.10.22 n. 48

<https://www.valbadiaonline.it>

ultimo termo por comunicaziuns: jöbia, dales 20.00

30ª DOMËNIA IA POR L'ANN C

Vangele do Lûca 18,9-14

Te chël tëmpti à Gejù cunté a n valgügn che minâ de ester iüsc y che desprijâ i atri, chësc ejëmpl: Dui ëi ê jüs sö tl tëmpl a perié; un ê n farisê, l'ater n publican. Le farisê é jü dant y à dit daplan chësta oraziun: Idî, i te reingraziëi, che iö ne sun nia sciöche l'atra jënt, i leri, i sbordenadus, i adulter o inçe sciöche chël publican dailò. I jini dui iadi al'edema y ti dà al tëmpl le dieje de döt mi vadagn.

Le publican deperpo stô jödapé y ne s'infidâ gnanca da alzè sü edli a cil, al se batô söl piet y periâ: Idî, mënete picé de mè piciaadù! I ves diji: Chësc é jü iustifiché a ciasa, l'ater no. Deache chël, che s'inalza, vëgn arbassè, mo chël, che s'arbassa, gnarà inalzè.



Al é bel da sintí, sc'i un porté pro nosta pert da fá le monn n pü' plü bel y uman, Al fej ince bun da podëi se laldé instësc y da ester contënc, sc'i sun stá bugn da fá vari inant söl tru dl bëgn.

Mo sc'i ciarun ma da se fá gragn desprijan y fajon i atri plü pici ne sciafiunse bëgn nia da avëi la cosciënza apost.

"Idî, i te reingraziëi, che iö ne sun nia sciöche l'atra jënt, i leri, i sbordenadus, i adulter o inçe sciöche chël publican dailò." Co dess pa n tal jí iustifiché a ciasa?

I n'un nia le dërt da iudiché i atri do so comportamënt.

I ne savun nia te ci condiziuns ch'ai é chersciüs sö y ci ch'ai á albü da s'un sté fora. Forsc i odessun atramënter, y magari, unse nos albü plü fortuna da n'avëi nia messü vire te sües condiziuns?

Na odlada sön chëstes porsones cun i edli de Gejù nes insëgna co ch'i podun ester contënc cun l'ester bugn y tl medemo tëmpt ester umii assá da reconëscë ch'al n'é nia ma nosc mirit. Insciö n'unse nia bria da arbassé i atri. K.I.M.-B.

EDEMA	SAN MARTIN	LUNGIARÛ	EDEMA DLA FEDE <i>"Edli, che vëiga cun speranza, vëiga plü lunc. Edli, che vëiga cun amur, vëiga plü sot. Edli, che vëiga cun fede, vëiga döt te n ater lominus."</i> <i>Chësta é na bela poesia che proa da nes dí almanco val' de ci che la fede é buna da nes dé y di früc de na fede sota y frëma.</i> <i>Co él pa meso da rové a na te fede? Ci la nudrësc pa y la renforza pa? Ci nes dá pa confidënza cun n Dî che á inom "Iö sun chël ch'i sun chiló"</i> <i>Sc'an ti dá poscibilité, coraje y liberté ai jogh da baié de süa fede, ési gonot dër daverc.</i> <i>Dailó vëgnel damané y dubité, metü en discusciun, chirí, porvé da abiné fora y ciafé val' de vëi y de sigü.</i> <i>Defrunt ala fede y ales minunghes desvalies pól ester ch'an s'intènes che nia n'é daldöt dërt o daldöt falé, ch'i restun y ch'i podun resté jënt che chir y che damana; dagnora te na relaziun tres plü sterscia cun chël che á inom "Iö sun chiló!"</i> <i>T.Tr.</i>
23.10.22 30ª Domënia ia por l'ann C DOMËNIA DLES MISCIUNS <i>Conclujiun dl'edema dla fede</i> 15.15 Prozesciun Badia - Oies 16.00 Mëssa sö Oies	<i>degöna corona dan mëssa</i> 9.30 Gran Mëssa por la comunité de dilan dla racoiüda <i>al cianta le cor di mituns</i> Oferta por les Misciuns vis y def. proi, monies y fratri dla valada dl ann + Cristina Verginer Conrater + + Vijo y Cristina Prousch (dl ann)	7.50 Corona d'otober 8.15 Gran Mëssa por la comunité de dilan dla racoiüda + siur Fonjo Clara Oferta por les Misciuns 15.00 Corona tla capela Ojöp da Oies	
24.10.22 Lönesc <i>Antone Maria Claret</i>			
25.10.22 Dedolönesc <i>Chrisant y Daria, Crispin</i>	8.00 Mëssa di scholars fam. Capler - Valota en onú di sanc Agnui Custodi		
26.10.22 Dedemesaledema <i>Amand, Aurel</i>	18.00 Corona d'otober	7.30 Mëssa dl ann + Luca Schuen dl ann + + Hermann y Emma Pezzei dedô Corona d'otober	
27.10.22 Jöbia <i>Colman, Antonia</i>	7.30 Mëssa dl ann + Luca Schuen en onú de santa Maria da Luggau Corona por vocaziuns		
28.10.22 Vëndres <i>Scimun y Iüda apostui</i>	18.30 Adoraziun chîta 19.00 Adoraziun	7.30 Mëssa + + Isidoro y Monica Dapoz + Marino Clara, Ties	
29.10.22 Sabeda <i>Ermelinda, Iazint</i>	20.00 Mëssa prefestia por i colauradus y abitanc dla ciasa de palsa por vis y def. benefaturs	18.30 Mëssa prefestia de rengraziamënt fam. Reinhold Sorà dl ann + + Giovanni y Lidbina Costa + + Paul y Zita Dapoz	
30.10.22 31ª Domënia ia por l'ann C ora da d'invern	7.50 Corona 9.30 Gran Mëssa por la comunité dl ann + Caterina Ferdigg Moling, Gröpa + + proi y ploans de nosta valada de rengraziamënt dles cöghes de calonia	7.50 Corona d'otober 8.15 Gran Mëssa por la comunité de rengraz. a siur Heinrich Videsott 15.00 Corona tla capela Ojöp da Oies	